

տուեց: Սակայն այսպէս չէին մտածում նոր Զու-
ղայեցիք, որոնք ընդդիմութիւն ցոյց տուին կաթու-
ղիկոսին և աշխատում էին խափանել Ս. Աջի վե-
րադարձը: Նոքա ասում էին, թէ այս օտար երկը-
րում այլասեռ ազգերի մէջ «ոչ ունիմք զնշան ինչ
և առիթ հաստատութեան հաւատոյս» ոչ վանք, ոչ
ուխտատեղի, ոչ օրբոց գերեզմաններ, ոչ սուրբ նը-
շաններ, և ոչ էլ մեր հայրերի և պապերի դամբա-
րաններ, «այլ միայն այս սուրբ Աջս է, զորոյ զհը-
րաշագործութիւնս տեսանելով, ասում են, նորա-
ժաման զաւակաց մերոց, մնան ի հաւատս քրիս-
տոսական»: Նոր Զուղայեցիք այն էլ էին ասում,
որ Ս. Աջը բերուած է շահի հրամանով, նորա հը-
րամանով էլ պիտի տարուի: Այդպիսի առարկու-
թիւններից չթուլացաւ կաթուղիկոսն, այլ Պարսից
մեծամեծներին դիմելով և ընծաներ ու խոստումներ
անելով, գրաւեց նոցա սիրտը. յետոյ աղերսագիր
տուեց շահին և նորանից ստացաւ արտօնութիւն
Ս. Աջը վերադարձնելու Ս. Էջմիածին: Զուղայե-
ցիք դարձեալ ընդդիմացան. թէ և Խօջայ Սաֆարի
թոռները, որոնց տանն էր պահուում Ս. Աջը, դի-
մագրեցին, բայց հայրապետը բարկացաւ նոցա վե-
րայ, նոքա Ս. հօր անէծքից վախենալով, հնազան-
դեցան: Կաթուղիկոսն՝ եկեղեցական թափօրով նոցա
տանից Ս. Աջը հանեց և դրեց Խօջենց եկեղեցին.
մի կիրակի օր ինքը պատարագ արաւ, Ս. Աջը բա-